

любяше чернцы, подаа трѣбованіа имъ, бѣ бо самъ въздержася отъ похоти плѣнства тѣмъ и любимъ бѣ матерію своею преподобною Оксѣіею, бѣше бо послушливъ въ всемъ матери своей. Ревность же имыи въ сердца божественую, часто въспоминаше подвиги и трѣпаніа святыхъ мученикъ иже пострадаша вѣры ради Христовы, желаша самъ тоя же чаши испити, тѣмъ и сподоби его Богъ единого за многыи родъ христіанскыи пріати блаженую страсть, аще же и не вѣры ради оубіенъ бысть блаженныи, яко же святѣи мученици, но по заповѣди же Спасовѣ иже въ Евангеліи рече болша сея заповѣди любве нѣсть, иже кто положитъ[ъ] душу свою за други своя. Сію заповѣдь божію христіолюбивыи князь съ оуспѣхомъ сконча, неуклонно шествуя за порученныа ему Богомъ люди и тако радуяся приде, яко вѣрныи строитель къ своему Владицѣ.

Тое же зимы оженися князь Александръ Михайловичъ.

Въ лѣто 6828 оженися князь Костянтинъ Михайловичъ[ъ] оу великаго князя Юрія Софійею, вѣнчанъ бысть на Костромѣ въ Святѣмъ Ѳеодорѣ. Тое же зимы за князя Дмитрія Михайловича приведоша княжпу Марію изъ Литвы Гѣдиминову дщерь.

Въ лѣто 6829 на веснѣ пріѣздишь въ Кашинъ Гаянчаръ Татаринъ съ Жидовиноу дѣлжникомъ, много тягости оучинили Кашину. 288 об. Того же лѣта бысть погыбель солнцу. || На тоу же осень князь Юрій съ всею силою Низовскою и Суждальскою събрався въ Переяславлѣ, хотя къ Кашину ити, Михайловичи же князь Дмитрій съ братіею съ Тѣмьскымъ полкомъ и съ Кашинскимъ противу ему изыдоша къ Волзѣ и доконча миръ межи ими владыка Андрей, и разошася. Тое же зимы князь Юрій, поймавъ сребро оу Михайловичевѣ выходное по докончанію, не шель противу царева посла нѣ ступилъ съ сребромъ въ Новгородъ Великий. Тое же зимы князю Александру родися сынъ Левъ.

Въ лѣто 6830 ходи князь Юрій съ Новгородци къ Выбору. Того же лѣта приде князь Дмитрій Михайловичъ[ъ] въ Орду, а на Роусъ выиде посолъ силенъ отъ царя Ахмуть по Юрія князя, а съ нимъ князь Іоанъ Даниловичъ[ъ], по Низовскимъ градомъ много ало христіаномъ сътвориша. А князь Юрій, бывъ оу Выбора, поиде на низъ и бысть на Оудромѣ и наеха на него князь Александръ Михайловичъ[ъ], боляре его изыма, а самъ прибѣже въ Псковъ. Тое же осени сѣде князь Дмитрій Михайловичъ[ъ] на великое княженіе.

Въ лѣто 6831 князь Юрій съ Новгородци постави градъ Орѣпокъ. Того же лѣта заложена бысть церкви камѣна Святѣи Ѳеодоръ на Тѣмьри. Того же лѣта преставися Андрей, епископъ Тѣмьрскы, въ своемъ ему монастыри на Шешѣ, оу святѣи Богородицѣ, и положенъ бысть въ Святѣмъ Спасѣ въ Веденіи.

Въ лѣто 6832 взяша Новгородци Оустюгъ и тогда биша Новгородци Литву на Лукахъ и полонъ отъяша.

Въ лѣто 6833 съвършена бысть церкви Святѣи Ѳеодоръ и на зиму князь Юрій оубіенъ бысть въ Орді.

Въ лѣто 6834 сеп[тября] 15 оубиша въ Орді два князя || Дмитрія Михайловича Тѣмьр- л. 289 скаго да князя Александра Новосилскаго, единого дни на единомъ мѣсте на рѣцѣ, нарицаемѣи Кондраклѣ. Того же лѣта заложыша на Москвѣ Оуспеніе Святѣи Богородицѣ. Того же лѣта князю Александру Михайловичу дано княженіе великое и приде изъ Орды и сѣде на великое княженіе. Потомъ, за мало днѣи, за оумноженіе грѣхъ ради нашихъ Богу попустившу дѣволу възложити злая въ сердца безбожнымъ Татаромъ глаголати незаконному царю: аще не погубиши князя Александра и всѣхъ князей Роусскыхъ, то не имаша власти надъ ними. И незаконныи и треклятыи всему аду начальникъ Шевкалъ, разоритель христіанскыи, отъверзъ сквернаа своя оуста начатъ глаголати, дѣволѣмъ оучимъ: господине царю, аще

ми велиши, азъ идоу въ Роусь и разорю хри-
стіанство, а князя ихъ извою, а княгини и
дѣти къ тебѣ приведу. И повелѣ ему царь
сътворити тако. Безаконныи же Шевкаль, ра-
зоритель христіанскыи, поиде въ Роусь съ мно-
гими Татари и прииде на Тѣрь и прогна
князя великаго съ двора его, а самъ ста на
князя великаго дворѣ съ многою грьдостью и
яростью и въздвиже гоненіе велико на хри-
стіаны насилствомъ и грабленіемъ и битіемъ и
поруганіемъ. Народи же гражанстѣи, повсегда
оскорбляеми отъ поганыхъ, жаловахуся мно-
гажды великому князю, дабы ихъ оборонилъ.
Онъ же, видя озлобленіе людѣи своихъ и не
могы ихъ оборонити, трыпѣти имъ веляше. И
сего не трыпѣще Тѣричи искаху подобна
л. 269 об. врѣмени. || И бысть въ день 15 августа мѣ-
сяца, въ полоутра какъ торгъ сънимается,
нѣкто дѣаконъ Тѣритинъ, прозвище ему
Доудко, поведе кобылицу младу и зѣло тучну,
напояти ю на Волгѣ воды. Татарове же ви-
дѣвши отъѣша ю, дѣаконъ же съжаливсѣи зѣло,
начать въпѣти, глаголя: о мужи тѣрстѣи, не
выдавайте. И бысть между ими бож, Татарове
же надѣющесѣи на самовластіе, начаша сѣчи,
и абіе сътекошасѣи челоувѣци и смятошасѣи лю-
дѣи и оудариша въ вся колоколы и стапа ве-
чемъ и поворотисѣи градъ весь и весь народъ
въ томъ часѣ събрасѣи и бысть въ нихъ за-
мятѣи и кликнуша Тѣричи и начаша изби-
вати Татаръ, где котораго застропѣи, дондеже
и самого Шевкала оубиша и всѣхъ по рядоу,
не оставиша и вѣстоноши, развѣ иже ѣа поли
пастусѣи стада коневаа пасущѣи, тѣи похва-
таше лучшіи жребци и скоро бѣжаша на
Москву и оттолѣ въ Орду и тамо възвѣстиша
кончину Шевкалову. Тое же зимы престависѣи
Петръ митрополитъ.

А оубіенъ бысть Шевкаль въ лѣто 6835.
И то слышавъ безаконныи царь на зиму посла-
ратъ на землю роусскоую 5 темниковъ, а вое-
вода Ѳеодорчюкъ, и людѣи множество погубиша,
а иныя въ плѣнъ поведоша, а Тѣрь и вся

градъ огнемъ пожгоша. Великыи же князь
Александръ ѿ трыа безбожныи ихъ крамолы
оставль княженіе роусское и вся отчѣствіа
своя и иде въ Псковъ съ княгинею и съ
дѣтми своими и пребысть || въ Псковѣ. Того же л. 270
лѣта мѣсяца июля въ 4, на память святаго
отца Андреа епископа Критскаго, князю Ивану
Данилович[ю] родисѣи сынъ и парченъ бысть
князь Андрей. Того же лѣта священа бысть
церковь каменная на Москвѣ въ имя святаго
Богородица и честнаго еѣ оуспленіа, иже
свяща великимъ священіемъ священныи епис-
копъ Ростовскыи Прохоръ мѣсяца августа въ
14, на память святаго пророка Михѣи, въ ка-
вунъ Госпожину дѣи. Того же лѣта оубиша
князя Ивана Ярославича Рязаньскаго, вели-
кыи же Спасъ, милостивыи челоувѣколюбѣи
Господъ, своею милостію заступилъ благовѣр-
наго князя великаго Ивана Даниловича и его
градъ Москву и всю его отчину отъ инопле-
менникъ поганыхъ татаръ. А князь Костян-
тинъ порати съ братомъ со княземъ съ Ва-
силіемъ и съ матерію и съ бояры, прѣехавше
во Тѣрь, преставше отъ тугы, пом[ол]ясѣи
великому Спасу и всѣмъ церквамъ, хотя того
дабы въ нихъ молитва опятъ была, а кто избылъ
отъ безбожныхъ татаръ, а тѣ бы опятъ были
по своимъ мѣстомъ и окрѣпи ихъ всѣхъ лю-
бовію.

Въ лѣто 6836 самъ князь Костянтинъ съ
княземъ съ Иваномъ съ Даниловичемъ поидоша
вкупѣ во Орду. Того же лѣта трясасѣи земля
въ Новѣгородѣ въ Великомъ. Того же лѣта
сѣде Иванъ Данилович[ъ] на великомъ княже-
ніи всея Руси и бысть оттолѣ тишина велика
на 40 лѣтъ и престапа поганіи воевати Рус-
скую землю и закалат[и] христіанъ и отдох-
нуша || и упочинуша христіане отъ великыи л. 270 об
истомы и многыи тягости и отъ насиліа та-
тарьскаго и бысть оттолѣ тишина велика по
всеи земли. Того же лѣта поставленъ бысть
архиепископъ Феогнастъ Гречинъ митрополи-
томъ на всю Русскую землю. Того же лѣта